

**სახელმწიფო შესყიდვის შესახებ
ხელშეკრულება №7**

დ. ადიგენი

18 იანვარი 2018 წელი

ერთიან მხრივ ადიგენის მუნიციპალიტეტის მერია (მის. დ. ადიგენი, თამარ მეფის ქ. №5, ს/კ 222729162, სახელმწიფო ხაზინა TRESGE22, ა/ა GE24NB0330100200165022) წარმოდგენილი მუნიციპალიტეტის მერის ზაქარია ენდელამის სახით შემდგომში „შემსყიდველი“ და მეორეს მხრივ, შპს „გრუპო პუნეტ“ (მის: ძველი თბილისის რაიონი, ლიხის შეს., N15, ს/კ: 404533876, ა/ა GE61TB7267736050100001, ს.ს „თი ბი სი ბანკი“, ბანკის კოდი TBCBGE22) შემდგომში „მიმწოდებელი“ წარმოდგენილი დირექტორის დავით ორაგველიძის სახით სახელმწიფო შესყიდვების შესახებ „საქართველოს კანონის 161 მუხლის პირველი პუნქტის შესაბამისად „მიმწოდებლის“ მიერ წარმოდგენილი სატენდერო წინადადების საფუძველზე ელექტრონული ტენდერის აუქციონის გარეშე **NAT170014139** ჩატარების შედეგად ვდებთ წინამდებარე ხელშეკრულებას შემდეგზე

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) „სახელმწიფო შესყიდვის შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული შეთანხმება, რომელიც ხელმოწერილია მხარეების მიერ მასზე თანდართული ყველა დოკუმენტით, რომელზეც ხელშეკრულებაში არის მითითებული;
- 1.2. „შემსყიდველი“ ნიშნავს ორგანიზაციას, რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც „შემსყიდველთან“ გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. დღე, კვირა, თვე ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული;

2. ხელშეკრულების ობიექტი

2.1 ხელშეკრულების ობიექტია ადიგენის მუნიციპალიტეტის სოფელ კეხოვნის ხიდის რეაბილიტაციის სამუშაოების შესყიდვა ტექნიკური დოკუმენტაციისა და თანდართული ხარჯთაღრიცხვის შესაბამისად. კერძოდ:

ადიგენის მუნიციპალიტეტის სოფელ კეხოვნის ხიდი შესრულებულია რკინა ბეტონის ბურჯებზე დამაგრებული ლითონის 1000მმ. ორტესებრი კოჭებით (3ც) რომელზედაც დადებულია 8 ცალი შველერი, სავალი ნაწილი კი მოწყობილია ხის ფენილთ, რომელიც სისტემატიურად გამოდის მწყობრიდან და იწვევს სატრანსპორტო საშუალებებით მიმოსვლის შეფერხებას. საჭიროა მოხდეს არსებული ხის კონსტრუქციების დემონტაჟი, ასევე დემონტირებული უნდა იქნეს შველერები და მოაჯირის კუთხოვანები რომლებიც უნდა დასაწყობდეს შემდგომი გამოყენების მიზნით. ხიდის მზიდ კონსტრუქციებზე დამონტაჟდეს N22 ორტესებრი კოჭები (28 ცალი სიგრძით 4მ) რომლებზეც ზემოდან უნდა გადაეკრას 10მმ-ის სისქის ლითონის ფურცელი, მოაჯირები უნდა მოეწყოს 60X60X2მმ-იანი მილკვადრატებით (ნახაზის მიხედვით) რომლის ბოძებიც მიდუღდება N22-ის ორტესებრი კოჭებზე, დ-219მმ-იანი ლითონის მილებით მოეწყოს ე.წ. თვალმრიდი, რომელიც დამაგრდება არსებული კუთხოვანის ნაჭრების საშუალებით ორმხრივად (იხ.ნახაზი) სავალი ნაწილის გარდა ყველა ლითონის კონსტრუქცია უნდა შეიღებოს ორჯერ. სამუშაოების მიმდინარეობის პერიოდში უნდა მოეწყოს მდინარეში ალტერნატიული გზა დ-930მმ-იანი 10 ცალი (სიგრძით 6მ) ლითონის მილების გამოყენებით, მდინარის ორივე მხარეს გზაზე და მილების ზემოდან ბალასტის ფენის მოწყობით. სამუშაოების დამთავრების შემდეგ მდინარის კალაპოტი მილების ამოღებისთანავე გასუფთავდეს.

- კლასიფიკატორის კოდი CPV45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 46000 (ორმოცდაექვსიათასი) ლარს, დღგ-ს გათვალისწინებით;
- 3.2 ხელშეკრულების ღირებულება მოიცავს ხელშეკრულებით გათვალისწინებული სამუშაოს გაწვევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს მათ შორის დ.დ.გ. 18%.

4. ანგარიშსწორების ფორმა და ვადები

- 4.1 ანგარიშსწორება მოხდება ეტაპობრივად, საგადასახდო ანგარიშ-ფაქტურის, ფაქტიურად შესრულებული სამუშაოების აქტი ფორმა N2-ისა და მიღება-ჩაბარების აქტის საფუძველზე 10 სამუშაო დღის განმავლობაში;
- 4.2 ხელშეკრულების ფარგლებში ანაზღაურებული იქნება მხოლოდ იმ შესრულებული სამუშაოების ღირებულება, რომლის მოცულობასა და ხარისხზე არსებობს უშუალოდ შემსყიდველის და სამისოდ შერჩეული პირის (ზედამხედველი) მიერ დადასტურებული აქტი;
- 4.3 „მიმწოდებელმა“ სამუშაოები უნდა შეასრულოს სატენდერო დოკუმენტაციით განსაზღვრული კალენდარული გრაფიკის შესაბამისად, წინააღმდეგ შემთხვევაში გამოყენებული იქნება საჯარიმო სანქცია ყოველ ვადაგადაცირებულ დღეზე ხელშეკრულების ღირებულების 0,5 % ოდენობით.
- 4.4 სამუშაოს ხარისხის დაცვის მიზნით, შემსყიდველის მიერ სამუშაოების ეტაპების მიღება-ჩაბარებისას დაკავებული იქნება შესრულებული სამუშაოების ღირებულების 2,5%, რომლის დაბრუნება მოხდება სამუშაოს სრული დასრულების, შემსყიდველის მიერ შექმნილი ინსპექტირების ჯგუფის დასკვნის, სსიპ ლევან სამხარაულის სახელობის ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნის წარმოდგენისა და ობიექტის საბოლოო მიღება-ჩაბარების აქტის გაფორმების შემდეგ.

- 4.5 იმ შემთხვევაში, თუ დაფიქსირებული იქნება შესრულებული სამუშაოს ნაკლი ან უზარისხოზა, მიმწოდებელს დაკავებული თანხა არ აუნაზღაურდება დეფექტების გამოსწორებამდე;
- 4.6 წინასწარი ანგარიშსწორება არ გამოიყენება;

5. მიღება-ჩაბარების წესი

5.1 შესყიდვის ობიექტის მიღება-ჩაბარება შესაძლებელია განხორციელდეს ეტაპობრივად, შესრულებული სამუშაოების შესაბამისად;

5.2 მიმწოდებელმა საკუთარი ხარჯებით უნდა წარმოადგინოს სსიპ ლევან სამხარაულის სახელობის ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნა შესრულებული სამუშაოების შესახებ (35 სამუშაო დღის ვადაში, იმ შემთხვევაში, თუ დასკვნის გამცემი ორგანო არ იქნება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“, მიმწოდებელმა დამატებით უნდა წარმოადგინოს დასკვნის გამცემი პირის აკრედიტაციის დამადასტურებელი დოკუმენტის ასლი), რომლის შემდგომაც მოხდება საბოლოო მიღება-ჩაბარების აქტის გაფორმება.

6. მომსახურების გაწევის ადგილი და ვადა

- 6.1 სამუშაოს შესრულების ადგილად განისაზღვრება ადიგენის მუნიციპალიტეტის სოფელი კეხოვანი
- 6.2 სამუშაოს დასრულების ვადა 2018 წლის 1 მარტის ჩათვლით;

7. მხარეთა უფლება-მოვალეობანი

7.1 მიმწოდებელი წარუდგენს შემსყიდველ ორგანიზაციას შესრულებულ სამუშაოს, შემსყიდველ ორგანიზაციაში სამუშაოების მიღების არსებული წესისა და დამტკიცებული ფორმების თანახმად განსაზღვრულ ვადებში;

7.2 საკუთარი ხარჯებით უზრუნველყოს ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;

7.3 შემსყიდველი ვალდებულია:

- აწარმოოს ინსპექტირება საამისოდ შერჩეულ პირთან ერთად სამუშაოს მიმდინარეობაზე, საპროექტო დოკუმენტაციის, ტექნიკური პირობების, სპეციფიკაციების, ხელშეკრულების პირობებისა და საქართველოში მოქმედი ყველა საჭირო სამშენებლო ნორმების, სტანდარტებისა და წესების შესაბამისად, რომელთა დარღვევის შემთხვევაში იგი უფლებამოსილია შეაჩეროს სამუშაოები;
- ხელშეკრულების პირობების შეუსრულებლობის შემთხვევაში შემსყიდველის, მიმწოდებლისა და ხელშეკრულების ინსპექტირების მიზნით შერჩეული სხვა პირების მონაწილეობით ფორმდება შესაბამისი აქტი;

7.4 „მიმწოდებელს“ უფლება აქვს:

- მოსთხოვოს „შემსყიდველს“ შესრულებული სამუშაოს ღირებულების ანაზღაურება, ხელშეკრულებით გათვალისწინებული პირობებით.

7.5 „მიმწოდებელი“ ვალდებულია:

- გასწიოს ხელშეკრულებით გათვალისწინებული სამუშაო, სათანადო ხარისხითა და სრული მოცულობით იმ ვადაში, რომელიც მითითებულია ხელშეკრულების მე-6.2 მუხლში;
- უზრუნველყოს სამუშაოს შესრულება წარმოდგენილი ხარჯთაღრიცხვის შესაბამისად;
- იმ შემთხვევაში, თუ შესრულებული სამუშაო არ შეესაბამება ხელშეკრულების პირობებს (რის შესახებაც მათ წერილობით აცნობებს „შემსყიდველი“) საკუთარი ხარჯებით აღმოუფხვრას აღმოჩენილი ხარვეზი.

7.5 „მიმწოდებელმა“ ხელშეკრულების გაფორმებიდან არაუმეტეს 7 (შვიდი) კალენდარულ დღეში სამშენებლო ობიექტი უნდა უზრუნველყოს:

- სამუშაოთა მწარმოებლის ოთახის მოწყობით (როგორც საველე პირობებში ასევე დასახლებულ პუნქტებში);
 - სამუშაოების წარმოებაზე პასუხისმგებელი მინიმუმ ერთი პირით (ბრძანებით)- თანამდებობა, სახელი, გვარი, რომელიც მუდმივად უნდა იმყოფებოდეს დისლოკაციის ადგილზე;
 - საპროექტო - სახარჯთაღრიცხვო დოკუმენტაციით;
 - მშენებლობის კალენდარული გეგმა-გრაფიკით;
 - სამუშაოთა წარმოების ჟურნალით;
 - ბეტონის (ასფალტბეტონის), სამუშაოების წარმოების ჟურნალით;
 - სამშენებლო კონსტრუქციების, საინჟინრო ქსელების და მოწყობილობების სამუშაოთა ჟურნალით;
 - შედუღების სამუშაოების წარმოების ჟურნალით;
 - შემოსული მასალების მიღების ჟურნალით (ზედნადები, სერტიფიკატი და სხვა.);
 - ფარული სამუშაოების აქტების რეგისტრაციის ჟურნალით (აქტები უნდა ინახებოდეს ადგილზე);
 - შრომის უსაფრთხოების ინსტრუქტაჟის ჟურნალით;
 - პირველი დახმარების სამედიცინო ნაკრებით;
 - მუშა პერსონალის აღრიცხვის ჟურნალით;
 - მუშა-პერსონალი ინდივიდუალური დაცვის საშუალებებით და ტექნიკურად გამართული ხელსაწყო-ინსტრუმენტებით.
- მშენებელმა საჭიროების შემთხვევაში უნდა უზრუნველყოს კონსტრუქციების და მასალების ლაბორატორიული შემოწმება სამშენებლო ნორმებისა და წესების მოთხოვნების შესაბამისად. (მასალების და პროცესების მიმდინარეობის ხარისხის შესახებ).
- **შენიშვნა:** ზემოთაღნიშნული სამუშაოთა წარმოების ჟურნალები უნდა დააკომპლექტონ მშენებლებმა, ხელშეკრულებით გათვალისწინებული სამუშაოების სახეობების შესაბამისად.
 - აღნიშნული მოთხოვნების შეუსრულებლობა გამოიწვევს მშენებელი ორგანიზაციის დაჯარიმებას ყოველი ვადაგადაცილებული დღისათვის ხელშეკრულების ღირებულების 0,1%-ის ოდენობით.

8. გარანტია

8.1 საგარანტიო ვადად წესდება 24 თვე მიღება-ჩაბარების აქტის გაფორმებიდან, რომლის განმავლობაშიც „მიმწოდებელი“ ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა

9. ხელშეკრულების ინსპექტირების პირობები

- 9.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 9.2 ხელშეკრულების ინსპექტირებას შემსყიდველის მხრიდან განახორციელებს ინსპექტირების ჯგუფი მერაბი გიორგაშვილის ხელმძღვანელობით;
- 9.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.
- 9.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

10. მხარეთა პასუხისმგებლობა ხელშეკრულების დარღვევისას

- 10.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 10.2 ფორსმაჟორული პირობების გარდა მიმწოდებლის მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოყენებული იქნება შემდეგი საჯარიმო სანქციები:
 - მიმწოდებელმა სამუშაოები უნდა შეასრულოს სატენდერო დოკუმენტაციით განსაზღვრული კალენდარული გრაფიკის შესაბამისად, წინააღმდეგ შემთხვევაში გამოყენებული იქნება საჯარიმო სანქცია ყოველ ვადაგადაცილებულ დღეზე ხელშეკრულების ღირებულების 0,5 % ოდენობით.
 - ხელშეკრულებით ნაკისრი ვალდებულების შესრულების ვადაში ხელშეკრულებით ნაკისრი ვალდებულებების შეუსრულებლობის, ან არაჯეროვნად შესრულებისთვის, - მიმწოდებელს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0,5 % - ის ოდენობით.
- 10.3 იმ შემთხვევაში თუ მიწოდების ვადა დაირღვევა და გადაცემა შვიდ დღეს „შემსყიდველი“ იტოვებს უფლებას შეწყვიტოს ცალმხრივად ხელშეკრულება და მოთხოვოს „მიმწოდებელს“ ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;
- 10.4 იმ შემთხვევაში, თუ მიმწოდებელი არ უზრუნველყოფს პირგასამტეხლოს გადახდას დადგენილ ვადაში, პირგასამტეხლოს სახით გადასახდელი თანხა მიმწოდებელს გამოეკეთება საანგარისწორებო თნხიდან.
- 10.5 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან;

11. ხელშეკრულების პირობების გადასინჯვის შესაძლებლობა

- 11.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 11.2 თუ რაიმე წინასწარ გათვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 11.3 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლის გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 11.4 საქართველოს სამოქალაქო კოდექსის 398-ე მუხლის გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10% მეტი ოდენობის გაზრდა.
- 11.5 ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

12. ხელშეკრულების შეწყვეტა მისი პირობების შეუსრულებლობის გამო

- 12.1 „შემსყიდველს“ უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს „მიმწოდებელს“ ხელშეკრულების გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობის შესაბამისად:
 - ა) თუ „მიმწოდებელი“ არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - ბ) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების შესრულებას;
 - გ) „მიმწოდებლის“ გაკოტრების შემთხვევაში;
 - დ) კანონმდებლობით გათვალისწინებულ სხვა შემთხვევებში;
- 12.2 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან;
- 12.3 12.1 პუნქტის შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად შესრულებული სამუშაოს ღირებულება;

- 13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს მის პასუხისმგებლობას, თუ ხელშეკრულების შესრულების შეფერხება ან მისი ვალდებულებები შეუსრულებლობა არის ფორს-მაჟორი გარემოებების შედეგი.
- 13.2. ფორს-მაჟორი წიშნავს მხარეებისათვის გადაუღებელ და მათ კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ ან „მიმწოდებლის“ შეცდომებთან და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, კარანტინით, საბიუჯეტო ასიგნების მკვეთრი შემცირებით და სხვა.
- 13.3. ფორს-მაჟორი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრი ვალდებულების შესრულებას და ცდილობს გამოახდინოს შესრულების ისეთი ალტერნატიული ხერხები, რომლების დამოუკიდებელი იქნებოდნენ ფორს-მაჟორული გარემოებების ზეგავლენისაგან.

14. დავები და მათი გადაწყვეტის წესი

- 14.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად;

15. სხვა პირობები

- 15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.
- 15.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.
- 15.3. ხელშეკრულება შედგენილი ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან.
- 15.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.
- 15.5. ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

16. ხელშეკრულების მოქმედების ვადა

- 16.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის 31 დეკემბრის ჩათვლით;

17. მხარეთა იურიდიული მისამართები და რეკვიზიტები:

„შემსყიდველი“

ადიგენის მუნიციპალიტეტის მერია

დ. ადიგენი, თამარ მეფის ქ. №5;

სახელმწიფო ხაზინა TRESGE22;

ს/კ 222729162; ა/ა GE24NB0330100200165022;

მუნიციპალიტეტის მერი:

/ზ. ენდელაძე/



„მიმწოდებელი“

შპს „გრუპო პუენტე“

მის: ძველი თბილისის რაიონი, ლიხის შეს., N15;

ს.ს. „თი ბი სი ბანკი“, ბანკის კოდი TBCBGE22;

ს/კ: 404533876; ა/ა GE61TB726773605010000;

დირექტორი:

/დ. ორაგველიძე/



ინფორმაცია ინტერესთა კონფლიქტის შესახებ

დ. ადიგენი

18 იანვარი 2018 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ინტერესთა კონფლიქტის თავიდან აცილების მიზნით ხელშეკრულებაში „შემსყიდველი“ მხარის წარმომადგენლები ხელის მოწერით ვადასტურებთ, რომ სახელმწიფო შესყიდვის შესახებ 2018 წლის 18 იანვარს გაფორმებული N7 ხელშეკრულებაში შ.პ.ს „გრუპო პუნტესთან“ მონაწილეობა არ იწვევს ინტერესთა კონფლიქტს.

მუნიციპალიტეტის მერი



ზაქარია ენდელაშვილი

მიღება-ჩაბარების სამუშაო ჯგუფი:

ჯგუფის ხელმძღვანელი
მერის პირველი მოადგილე



არსენ ბალაშვილი

წევრები:

ადიგენის მუნიციპალიტეტის მერიის ზედამხედველობის
სამსახურის საჯარო დაწესებულების პირველი რანგის
პირველადი სტრუქტურული ერთეულის ხელმძღვანელი
სამსახურის უფროსი:



როინ მამამია

ადიგენის მუნიციპალიტეტის მერიის ქონების მართვისა
და ეკონომიკური განვითარების სამსახურის საჯარო
დაწესებულების პირველი რანგის პირველადი სტრუქტურული
ერთეულის ხელმძღვანელ სამსახურის უფროსის მ/შ:



ვაფა მერაბიშვილი

ინსპექტირების ჯგუფი:

ჯგუფის ხელმძღვანელი:

ადიგენის მუნიციპალიტეტის მერიის ინფრასტრუქტურის,
სივრცითი მოწყობის, არქიტექტურისა და მშენებლობის
სამსახურის საჯარო დაწესებულების მესამე რანგის
მეორე კატეგორიის უფროსი სპეციალისტი:



მერაბი გიორგაშვილი

წევრები:

ადიგენის მუნიციპალიტეტის მერიის ინფრასტრუქტურის,
სივრცითი მოწყობის, არქიტექტურისა და მშენებლობის
სამსახურის საჯარო დაწესებულების მესამე რანგის
მეორე კატეგორიის უფროსი სპეციალისტი:



აიკო ლობჯანიძე

ადიგენის მუნიციპალიტეტის მერიის ქონების მართვისა
და ეკონომიკური განვითარების სამსახურის საჯარო
დაწესებულების მესამე რანგის მეორე კატეგორიის
უფროსი სპეციალისტი:



ზაური მსხვილიძე